

**ԱՏՏ ԵՎ ՏՎՅԱԼՆԵՐԻ ՓՈԽԱՆՑՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ
ՊԵՏԱԿԱՆ ԳԼՄԱՆ ՊԱՅՄԱՆԱԳԻՐ**

N 1

ք. Երևան

'01' դեկտեմբերի 2015 թ.

<< ՀՀ ԱՍՀՆ սոցիալական ապահովության պետական ծառայությունը>>, ի դեմս աշխատակազմի ղեկավար՝ Մ. Մինասյանի, որը գործում է ծառայության կանոնադրության հիման վրա (այսուհետև՝ Պատվիրատու), մի կողմից, և Օրանժ Արմենիան, ի դեմս Ընկերության տնօրեն Ալեքսանդր Եսայանի (այսուհետև՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է ֆիքսված հեռախոսակապի ծառայությունների մատուցման պարտավորությունը (այսուհետև՝ Ծառայություն)՝ համաձայն սույն պայմանագրի անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է սույն պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը:

2.1.2 Եթե մատուցվել է սույն պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող Ծառայություն:

ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը սույն պայմանագրին համապատասխանող Ծառայությամբ անհատույց փոխարինման ողջամիտ ժամկետ և պահանջել Կատարողից վճարելու սույն պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը:

բ) Հրաժարվել սույն պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու սույն պայմանագրի 5.2 կետով նախատեսված տուգանքը:

2.1.3 Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում սույն պայմանագրի N 1 հավելվածով սահմանված պահանջներին,

բ) խախտվել է Ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև սույն պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից սույն պայմանագրի 4.2 կետում նշված ժամկետի խախտման դեպքում նաև սույն պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Սույն պայմանագրի N 1 հավելվածով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:

2.4.2 Սույն պայմանագրով նախատեսված դեպքերում վճարել սույն պայմանագրի 5.2 և 5.3 կետերով նախատեսված տույժը և տուգանքը:

2.4.3 Սույն պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Պայմանագրի կամ դրա մի մասի կատարման արդյունքներն ընդունվում են Պատվիրատուի և Կատարողի միջև հանձնման-ընդունման արձանագրության ստորագրմամբ, իսկ պայմանագրի արդյունքը Պատվիրատուին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև սույն պայմանագրով նախատեսված Ծառայության մատուցման ավարտի օրը ներառյալ Կատարողը Պատվիրատուին է ներկայացնում մատուցված Ծառայության մասին իր կողմից ստորագրված հանձնման-ընդունման արձանագրության 2 օրինակ (Հավելված N 3) և պայմանագրի արդյունքը Պատվիրատուին հանձնելու փաստը ֆիքսող փաստաթուղթը (Հավելված N 3.1):

3.2 Հանձնման-ընդունման արձանագրությունն ստորագրվում է, եթե մատուցված Ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրություն չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար սույն պայմանագրով նախատեսված միջոցները.

բ) Կատարողի նկատմամբ կիրառում է սույն պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու պահից 5 օրյա ժամկետում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Ծառայությունը չընդունելու պատճառաբանված մերժումը:

3.4 Եթե Պատվիրատուն սույն պայմանագրի 3.3 կետով սահմանված ժամկետում չի ընդունում պայմանագրի արդյունքը կամ չի մերժում, ապա այն համարվում է ընդունված և սույն պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա Ծառայության ընդհանուր գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Սույն Պայմանագրի հավելված N 1-ով սահմանված ֆիքսված հեռախոսակապի ծառայության վճարը համարվում է բաժանորդավճար (ամսավճար), որը գանձվում է Պատվիրատուից՝ անկախ վերջինիս կողմից տվյալ ամսվա ընթացքում հեռախոսակապի ծառայություններից օգտվելու հանգամանքից, հեռախոսակապի ծառայությունից օգտվելու օրերի կամ նշված ծառայության դադարեցված/կասեցված օրերի քանակից:

4.2 Պատվիրատուն իրեն մատուցած Ծառայության դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ սույն պայմանագրի N 2 հավելվածով սահմանված վճարման ժամանակացույցով նախատեսված ամսում (եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 բանկային օրվա ընթացքում), բայց ոչ ավելի տվյալ ժամանակահատվածի համար նախատեսված գումարի չափից: Եթե ընդունված Ծառայության դիմաց վճարելու համար վճարման ժամանակացույցով նախատեսված միջոցները չեն բավարարում, ապա վճարումը, սույն կետի պայմաններով, իրականացվում է այն ամսում, որում դրամական միջոցները նախատեսված են, սակայն ոչ ուշ քան տվյալ տարվա դեկտեմբերի 25-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում Ծառայության մատուցման՝ սույն պայմանագրի պահանջների պահպանման համար:

5.2 Սույն պայմանագրի N 1 հավելվածում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից գանձվում է տուգանք՝ սույն պայմանագրի 4.1 կետում նախատեսված գումարի 0,5 (գրո ամբողջ հինգ տասնորդական) տոկոսի չափով:

5.3 Սույն պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված Ծառայության գնի 0,05 (գրո ամբողջ հինգ հարյուրերորդական) տոկոսի չափով:

5.4 Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից սույն պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (գրո ամբողջ հինգ հարյուրերորդական) տոկոսի չափով:

5.6 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՅՈՒԹՅՈՒՆ (\$ՈՐՄ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:

7.2 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Պատվիրատուի ստացածով:

7.3 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

Սույն պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

Արգելվում է սույն պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող Օառայության ծավալների կամ ձեռք բերվող Օառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման դեպքերը սահմանում է Հայաստանի Հանրապետության կառավարությունը:

7.4 Եթե պայմանագիրն իրականացվում է գործակալության պայմանագիր կնքելու միջոցով

1) Կատարողը պատասխանատվություն է կրում գործակալի պարտավորությունների չկատարման կամ ոչ պատշաճ կատարման համար:

2) պայմանագրի կատարման ընթացքում գործակալի փոփոխման դեպքում Կատարողը գրավոր տեղեկացնում է Պատվիրատուին՝ տրամադրելով գործակալության պայմանագրի պատճենը և դրա կողմ հանդիսացող անձի տվյալները՝ փոփոխությունը կատարվելու օրվանից հաշված հինգ աշխատանքային օրվա ընթացքում:

7.5 Եթե պայմանագիրն իրականացվում է համատեղ գործունեության (կոնսորցիումի) պայմանագիր կնքելու միջոցով, ապա մասնակիցները կրում են համատեղ և համապարտ պատասխանատվություն: Ընդ

որում, կոնսորցիումի անդամի կոնսորցիումից դուրս գալու դեպքում կոնսորցիումի հետ Պատվիրատուի կնքած պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

7.6 Ծառայության մատուցման ժամկետը կարող է երկարաձգվել մինչև սույն պայմանագրով այդ ժամկետը լրանալը պայմանագրի կողմի առաջարկության առկայության դեպքում՝ պայմանով, որ՝ Պատվիրատուի մոտ չի վերացել գնման առարկայի օգտագործման պահանջը: Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով:

7.7 Սույն պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Սույն պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.9 Սույն պայմանագիրը կազմված է 4 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.10 Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.11 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Կատարող

Պ Ա Տ Վ Ի Ր Ա Տ ՈՒ

Օրանժ Արմենիա ՓԲԸ Գլխավոր տնօրեն, Ալեքսանդր
Եսայան
հարկ վճարողի հաշվառման համարը

0	0	0	9	5	8	9	9
---	---	---	---	---	---	---	---

h/h 16048084907108

Էլ. փոստի հասցեն՝ orangearmenia@orangearmenia.am



ՀՀ ԱՍՀՆ ՍԱՊՄ

Ծառայության աշխատակազմի ղեկավար՝ Մ. Մինասյան,
հարկ վճարողի հաշվառման համարը

0	2	5	0	5	5	1	1
---	---	---	---	---	---	---	---

h/h 900011556355

հաշվի առաքման հասցե՝ ք. Երևան, Նալբանդյան 13

առձեռն, բաժանորդների սպասարկման կետում Էլ. փոստի հասցեն՝ admin@sif.am

կոնտակտային հեռախոս 7440582363

(ստորագրություն)



Անհրաժեշտության դեպքում պայմանագրում կարող են ներառվել ՀՀ օրենսդրությանը չհակասող դրույթներ:

ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ

Ֆիքսված քաղաքային հեռախոսագծերի (ներքին ԱՏՄ) ծառայությունների տարամաղրման համար

	Տեխնիկական բնութագրի տարրերը	Նկարագրություն	Չապման Միավոր	Քանակ /ժամվալ	Բաժանորդային վարձ ներառյալ ԱԱՀ	Տարեկան գումար ՀՀ դրամով ներառյալ ԱԱՀ
1	Տվյալների փոխանցման ցանցի արագություն	ՅՄԲ ներքեռնման և ՅՄԲ վերքեռնման հնարավորություն:	կետ	2 կետ	20 000	480 000
2	Վիրտուալ համարների տրամադրում	Առնվազն 99 վիրտուալ համարների տրամադրում	հատ	99	2000	2376000
4	VOIP ցանցի տրամադրում	VOIP (SIP)	հատ	1	-	-
5	ԱՏՄ-ի ծառայություններ	- Կարճ համարանիշներ - Բազմազան մուտքային և ելքային զանգերի հնարավորություն - Գոյություն ունեցող Ֆիքսված և բջջային ցանցի հեռախոսակապի անվճար ընդմիջումներ	հատ	3	-	-
Ծառայության մատուցման ժամկետը						
	Սկիզբը 01.12.15թ		Ավարտը՝ անժամկետ			

Կատարող

Պ Ա Տ Վ Ի Դ Ա Տ ՈՒ

Օրանժ Արմենիա ՓԲԸ, Գլխավոր տնօրեն, Ալեքսանդր Եսայան
 հարկ վճարողի հաշվառման համարը

0	0	0	9	5	8	9	9
---	---	---	---	---	---	---	---

h/h 16048054007108

Էլ. փոստի հասցեն՝
 orangearmenia@orangearmenia.am



Կ.Տ.

ՀՀ ԱՍՀՆ ՍԱՊԾ

Ծառայության աշխատակազմի ղեկավար՝ Մ. Մինասյան,

հարկ վճարողի հաշվառման համարը

0	2	5	0	5	5	1	1
---	---	---	---	---	---	---	---

h/h 900011556355

հաշվի առաքման հասցե՝ ք. Երևան, Նալբանդյան 13
 առձեռն, բաժանորդների սպասարկման կետում Էլ. փոստի հասցեն՝ admin@sif.am

կոնտակտային հեռախոս 7410582363

(ստորագրություն)

Կ.Տ.





«Յուքոմ» ՍՊԸ
«Երևան Պլազա» բիզնես կենտրոն
Գ. Լուսավորիչ 9,
Երևան 0015, ՀՀ
Վեբ կայք՝ www.ucom.am

Հարցերի դեպքում զանգահարեք
444՝ Ucom հեռախոսահամարից
+374 (11) 444 444՝ այլ
հեռախոսահամարներից
էլ. փոստ՝ 444@ucom.am

Հարգելի բաժանորդ,

Սույն նամակով հայտնում ենք, որ 2017թ-ի փետրվարի 1-ից «Յուքոմ» ՍՊ ընկերության ֆիքսված և շարժական կապի ծառայությունների դիմաց վճարումները հարկավոր է փոխանցել միայն ներքոնշյալ հաշվեհամարին:

Վճարումների ճիշտ գրանցումն ապահովելու և ծառայությունների կասեցումից խուսափելու համար խնդրում ենք հետևել վճարումների կատարման կարգին:

Ֆիքսված կապի ծառայություններ

Վճարումը ստացող բանկ՝

«Ամերիաբանկ» ՓԲԸ

Հ/Հ 1570043102134100

Նպատակ դաշտում պարտադիր նշվող տեղեկություն՝

Յուքոմ բաժանորդագրման դիմումի (ID) համար idXXXXXXid ձևաչափով:

Ֆիքսված կապի Յուքոմ բաժանորդագրման դիմումի (ID) համարը կարող եք գտնել հարկային հաշվի լրացուցիչ տվյալներ հատվածում:

Շարժական կապի ծառայություններ

Վճարումը ստացող բանկ՝

«Ամերիաբանկ» ՓԲԸ

Հ/Հ 1570043102134100

Նպատակ դաշտում պարտադիր նշվող տեղեկություն՝

Ucom հաշիվը acXXXXXXac ձևաչափով:

Շարժական կապի Յուքոմ հաշվի համարը կարող եք գտնել բիլինգային հաշվի տվյալներ հատվածում:

Յուրաքանչյուր հաշիվ-ապրանքագրի դիմաց պետք է կատարվի առանձին փոխանցում:

Հարգանքով՝

Հաճախորդների սպասարկման բաժին

Հարցերի դեպքում զանգահարեք

444՝ Ucom բջջային հեռախոսահամարից

+374 11 444 444՝ այլ հեռախոսահամարներից

էլ. փոստ՝ 444@ucom.am


www.ucom.am



«Յուքոմ» ՍՊԸ
Սայաթ-Նովա 40/1,
Երևան 0025, ՀՀ
Հեռ.՝ +374 (11) 400 400
Ֆաքս՝ +374 (11) 400 401
Էլ. ֆոստ՝ info@ucom.am
Վեբ կայք՝ www.ucom.am

"UCOM" LLC
40/1 Sayat-Nova,
Yerevan 0025, RA
Tel: +374 (11) 400 400
Fax: +374 (11) 400 401
E-mail: info@ucom.am
Web: www.ucom.am

Սոցիալական ապահովության պետական ծառայության աշխատակազմ
պետական կառավարչական հիմնարկի պետ
Պարոն Արմեն Աբրահամյան



Հարգելի պարոն Աբրահամյանին,

Ցանկանում ենք տեղեկացնել, որ «Օրանժ Արմենիա» փակ բաժնետիրական ընկերությունը (Օրանժ) դադարեցրել է իր գործունեությունը՝ միանալով «Յուքոմ» (Յուքոմ) սահմանափակ պատասխանատվությամբ ընկերությանը, որին փոխանցման ակտին համապատասխան՝ անցել են Օրանժի իրավունքներն ու պարտականությունները: Միացման ձևով վերակազմակերպումը 2016 թվականի մարտի 31-ին գրանցվել է ՀՀ իրավաբանական անձանց պետական ռեգիստրում (տեղեկանքի պատճենը և Յուքոմի ռեկվիզիտները կցվում են):

Հաշվի առնելով վերոգրյալը՝ անհրաժեշտության դեպքում խնդրում ենք համապատասխան փոփոխություններ կատարել՝ Օրանժի փոխարեն այսուհետ օգտագործելով Յուքոմ անվանումը: Հայտնում ենք նաև, որ վճարման մեխանիզմը չի փոփոխվել:

Միևնույն ժամանակ հայտնում ենք մեր պատրաստակամությունը՝ տրամադրելու համապատասխան տեղեկատվություն, ինչպես նաև ցուցաբերել տեխնիկական աջակցություն՝ նման անհրաժեշտություն առաջանալու դեպքում:

Կանխավ շնորհակալություն համագործակցության համար:

Առդիր՝ 2 էջ

Հարգանքով,

Հայկ Եսայան
Գլխավոր Տնօրեն



Կատարող՝
Մարգարիտա Կուծանյան
095987077



Հաստատված է
ՀՀ արդարադատության նախարարի
13.04.2011թ. թիվ 49-Ն հրամանով

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԱՐԴԱՐԱԴԱՏՈՒԹՅՈՒՆ ՆԱԽԱՐԱՐՈՒԹՅՈՒՆ
ՊԵՏԱԿԱՆ ՌԵԳԻՍՏՐ
ՏԵՂԵԿԱՆՔ

Իրավաբանական անձի (անձանց) միացման մասին

Անվանումը

«ՅՈՒՔՈՄ»

Սահմանափակ պատասխանատվությամբ
ընկերություն

Գրանցող մարմնի անվանումը

ՀՀ ձեռնարկությունների պետական ռեգիստր
19.04.1996թ.

Գրանցման տարին, ամիսը, ամսաթիվը

264.110.02498 01Ա 024319

Գրանցման և վկայականի համարները

0009, ՀՀ ք. Երևան, Տեղյան փող., 19 շ. 4 բն.

Գտնվելու վայրը՝

21.12.2015թ. թիվ 1/12 որոշում

Միացման հիմքերը (որոշում, հրաման)

Միացող իրավաբանական անձը (անձինք)

գրանցման համարը

անվանումը

1. 264.120.08427

«ՕՐԱՆՃ ԱՐՄԵՆԻԱ» փակ բաժնետիրական
ընկերություն

Միացող վերոնշյալ իրավաբանական անձանց գործունեությունը դադարեցված է և պետական ռեգիստրում
իրավաբանական անձինք պետական գրանցումից հանված են 31.03.2016թ.

Պետական ռեգիստր
Կնիք
371 23 2016



«Յուքոմ» ՍՊԸ
«Երևան Պլազա» բիզնես կենտրոն
Գ. Լուսավորիչ 9
Երևան 0015 ՀՀ
Հեռ.՝ +374 (11) 400 400
Ֆաքս՝ +374 (11) 400 401
Էլ. Փոստ՝ info@ucom.am
Վեբ կայք՝ www.ucom.am

"UCOM" LLC
"Yerevan Plaza" business center
9 G. Lusavorich
Yerevan 0015, RA
Tel.՝ +374 (11) 400 400
Fax՝ +374 (11) 400 401
E-mail՝ info@ucom.am
Web՝ www.ucom.am

«Յուքոմ» ՍՊԸ

Իրավ. հասցե՝ ք. Երևան, Տերյան 19, բն.4

Գործ. հասցե՝ Գ.Լուսավորիչ 9, Երևան 0015, «Երևան Պլազա» բիզնես կենտրոն

Պետական գրանցման համար՝ 01Ա 024319

ՀՎՀՀ՝ 00024873

Հեռ.՝ +374 (11) 400 400

Ֆաքս՝ +374 (11) 400 401

Բանկ՝ "ՎՍԲ – Հայաստան Բանկ" ՓԲԸ

Հաշվի համար՝ 16048054007108

Ստացող՝ Յուքոմ ՍՊԸ

Գլխավոր Տնօրեն՝ Հայկ Եսայան